

اِسْتِغْنَا

۴ تشرین اول ۱۳۲۴

جمعه ایرتسی

نومرو ۵

یمنده حانت اولمغه سوق ایتک ایستمشدر. پادشاه ایسه مشروطیتک الک بیوک مدافعی اولمقله بیوکک کوستردیکنندن بوکیلرک جزالندیرلمسنى امراییدی.

ابن الضیا

لاحقه. — صوک اجمالده بعض ترتیب سهولری اولدیغنی کورددم. برنجی صحیفه نك اون دردنجی سطرنده کی «صیانت»، «جیات» اوله جقدر. ۱۸۷ نجی صحیفه نك سکرنجی وطقوزنجی سطرلرنده تیموریول بختنده «سلانیک» زاندر. متروویچه به الصاق خطی «اکلاشمالی». عین صحیفه نك صوکنجی سطرنده کی تاریخ یاکلشدر طوغریسی ۱۸۷۹ در . ا. ر.

اجال خارجی

بلغارستانک اعلان استقلال وقرالیت، و اوستریانک بوسنه وهرسکی ضمیمه ممالک ایتسی اوزرینه اوروپا قاینه لری اودرجه شدتلی برصرصر فعالیتیه طوتلادی که بوصرصرک اوکنه قاتوب کتیردیکی طوفان حوادث آرسنده سوق فکر ومطالعه ایتک خیلی متعسر. بوکون الثان معلومات فرداسی کونکی اشعارات ایله بحرروح. اورتهده محقق کبی کورینان برشی وارسه اوده بلغارستان ایله اوستریانک حرکت خودسرانه لری یوزندن بحث ایدن اختلافک برمحاربه وقوعی انتاج ایتکسزین بین الدول بر قونفرانس عقدیله تسویه سنه بر میلان عمومی کوسترلمسیدر. فقط بومیلان درحال عمومیت کسب ایده مدی. درلو درلو صفحه لرذن کچدی. قونفرانس فکر وتکلیفی رنکدن رنکه کیردی. خاطر نشان قارئین اوله جنی اوزره بین الدول بر قونفرانس عقدینه الک اول دولت عثمانیه جه لزوم کوسترلمش ایکن روسیه نك بر حرکت مقدمه ده بولنش اولمق ایچون دولتک تکلیفی نباهل ایدرک اوکه آتدینی وشوقدرکه بوتکلیفنه بوغازلرک مسدودیتی قاعده سنک رفی فکری ده تردیف ایلدیکی روایتی شایع اولمشیدی. بو روایتک صدق وبطلانی.

ثبوت بوله مدیسه ده شیوعی بدایه دیگر حکومتلرده بر تلافی مافات طلبنده بولنه جقلری روایتلرینک ظهورینه بادی اولدی . بو سلسله روایات کتدجکه اوزایوب کیدیوردی . صانکه دولت عثمانیه برچوق حکومتلره حرب ایتش ، منهرزم اولمشده غالبلر حصه غالبیلرینی المغه صاواشیورلر . یاخودکه اوتوز سنه دنبرو ملک وملتک بوینته طاقیلان زنجیر استبداد اعضای بدنک بر قاجنی غیر قابل الیتام درجهلرده جور و تمش ده بونلرک قطعنه لزوم کوریلدیوردی . اشته قونفرانس فکرینک ایلک دوره سی بو اولدی . فقط چوق سورمدی . انکلتره باش وکیلی موسیو آسکیت ایله خارجییه ناظری سرادوار غره ی «له وه» و «وولور» ده ایراد ایلدکلی نطقلرده انکلتره نک مشروطیت اداره عثمانیه یی محافظه ایتک عزم قویسنده بولندیغنی بالجه دول ممضیه نک رایلیری منضم اولمدجقه برلین عهدنامه سنک نقصنه قائل اولهمیه جغنی و دولت عثمانیه نک مدافعه منافی ایچون و سی مرتبه سنده مظاهرت ایده جکنی بیان ایتدیلر . براز صکره فرانسه خارجییه نظارتنک واسطه نشر افکاری اولان «تان» غزتمی رسماً تلقین ایلدیککی محسوس برسد اساسیده تلافی مافات طلبنه دولت علیه دن بشقه بردولتک حق و صلاحیتی اولهمیه جغنی پک واضح و قطعی برلسان ایله اعلان واعلام ایلدی . دیگر فرانسه غزته لری ده عینی صورته اداره کلام ایدر اولدیلر . بو بیانات و بو نشریات روسیه خارجییه ناظرینک لوندریه کیتمک اوزره فرانسه دن هنوز انفیکک ایتدیککی بر زمانه مصادف بولندیغنی ایچون اهمیتلری حقنده اطناب مقال زاندر . همان عین زمانده امریکا و ژاپونیسانک لوندره سفیرلرینک سرادوارد غره ی ایله ملاقات ایدرک مسائل حاضره نک منافع دولته موافق بر صورته حلی اقتضا ایده جکنی آیان ایتدکلی ده شایان تذکار . و حتی بو تشبث صحایف مطبوعات عثمانیه ده فصلسه منسی قالدیغنی ایچون ، تکرار تکرار بیان ایلدیککه سزاوارد . نهایت ایتالیا غزته لری بوسنه و هرسکک اعاده سی ، بلغارستان قرالیتک یکیدن امارته رجوعی موضوع بحث اولمقسنرین قونفرانسک محدود بر بروغرام دأره سنده اجرای مذاکرات ایتک اوزره انعقاد ایده جکنی ، توسیع

و تعدیل اراضی مطالبی پروغرامه قبول اولمیه جغنی یازدیلر . المان غزته لری ایسه صورت صریحه ده بیان فکر ایتمکله برابر ایلک طور و حرکت محترزانه لری ترک ایدرک و المانیانک اوستریایی تشویق ایتماش ، اوستریانک فکر و تصورندن بی خبر بولنش اولدینی یولنده مدافعهلردن باشلایه رق انکلتزه ، فرانسه ، روسیه و ایطالیانک نقطه نظرلرینه یناشدی . اشته شو درت دولت آرهنده آزچوق براتلاف افکار حصولی اوزرینه درکه در سعادتده کی سفیرلرینک کچن بازار ایرتسی کونی باب عالیده وقوعبولان تبلیغاته المانیا سفیری دخی اشتراک ایدوب حکومتک انکلتزه دولتنجه متخذ مسلکه توفیق حرکت ایده جکفی بیان وافاده ایتمشدر . عینی زمانده المان غزته لری المانیا حکومتک اوستریایی قونفرانسه اشتراک ایتمکه سوق واماله غیرتنده بولندیغندن بحث ایدورلردی . الحاصل دولتر آرهنده قونفرانس عقدی فکرینک اساساً قبولی امرنده ائتلاف افکار حاصل اولمش ایسه ده بوقونفرانسک زرده طویلانه جفی ، جدول مذاکراتی نه کی مواد تشکیل ایلیه جکی هنوز صورت قطعیده تعین ایده مامشدر . بر طرفدن کریدک یونانستانه اعلان التجاقی ، ودیکر طرفندن ده دولت علیه خسته ، حتی اعاده نفس واپسینه رمق قالمش بر مختصر نظریله باقهرق میرانه کوزدیکمکه آلمش صبی وارلردن بری بولنان صربستانک تلاش و هیجانی ، قره طاغک خروش و غلیانی قونفرانس پروغرامنک تعیینی امرنده کی مشکلاته پک ینانجی دکلدر . اسکی صربستان اوزرنده کی املا لری ایلرو سورده بیلیمک زمانه انتظاراً بلغار چته لرینک تحریکاتی سوقیله حکومت عثمانیه ده دوست کورینن صرب قومشومن انقلاب عثمانیدن صکره بلغارستان کی ماکدونیا به عائد حرارتلی املا لری اوزرینه صغوق صو ایچمک اضطراری حس ایتمکده ایکن بوسنه وهرسکده کی ملتدا . شلرینک اطرافنه بشقه رنکده بر حدود چکیلجکفی ایشیدنجه کوبوردی . وچوقدنبرو کوسکون بولندینی قره طاغ ایله باریشوب یایغردنی عیوقه چیقاردی . قره طاغده آندن اشانی قالمدی ، بالعکس صربستان فرسخ فرسخ کچدی . اوستریا باندیره سی احراق بالنار ایدلدی . اوستریا قونسلوسخانه سی مأمورلری موشته .

لاندی . خربالاندی . خلاصه وار قوتله اظهار افعال و خصومت ایدلدی .
 حالده ایدیلوب طور یور . فقط غریبدرکه بوانفعال و خصومت اوستربایه قارشو
 کوسترلمکده ایکن صربلیله قره طاغیلیر بو بازیجده زار زور قایمق استدکاری
 کلاهی نهایت الامر ترك قاوغنده کورمکه باشلادیلر . اشته شو صوك حوادث
 تلغرافیه صربستانه یکی بازار سنجاغی ، قره طاغی آدریاتیق جهتندن بعض تعویضات
 کوستربایه جکندن ، کریدیلیرک مطالبی دخی حده تدقیقندن کجیربایه جکندن بحث
 ایدیور . صربلیله قره طاغیلیرک بزم منافعه مزه منافی بر صورت تسویه ایله
 تأمین خشنودیبری جهته کیدیله جکنه بالطبع قائل اوله ماقده ز . بوکون بتون
 دولتر تلافی مافاته انحق دولت عثمانیه نك حق اولدیغنی تصدیقه متفق الرایدیر .
 بوندن طولاییدرکه انکلتزه و روسیه خارجیه ناظرلری الیوم لوندرده اجرا
 ایتمکده بولندقلری مذاکرات انساننده اك زیاده دولت عثمانیه یه تضمینات مالیه
 اعطاسی صورتیله برچاره تسویه بولمغه حصر فکر وغیرت ایدیورلر . شو تقدیرده
 نتیجه وقوعات نوعاً برملك آیش ویریشی شکافی اله حق دیمکدر . بقالم بویازارلغک
 یالکز شمعدی یه دکن الدن کیدن حقوق تصرفیه منحصر قالمسینه موفقیت
 الویره جکمی ؟ هر حالده المانیانك عثمانی حکومتنه مقدما کوستردیکی دوستلغی
 شمعدی ده اظهار ایدرک مسلك حرکتی حقنده کی ظنیات و محسوساتغزی هرج و مرج
 ایتمسینه دائر کچن اجمالزک خاتمه سنده درمیان ایستدیکمز مطالعه بی الیوم تأیید ایدر
 صورتده حرکت ایلمسی بزجه جای ممنونیت اولمغه ، وبروکسلده بیوک کوچک
 بالجله علاقه دار حکومتلر مرخصلرندن می یوقسه در سعادتده یالکز دول معظمه
 سفراسندن می مرکب اوله رق تشکل ایده جکی هنوز تقرر ایتماش اولان قونفرانس
 نتیجه سنك اهون شر اوله جنی امیدلری حکومت مشروطه عثمانیه حقنده کی مآثر
 اخلاص و محادنتله برابر شرق یتور یوللرینك شرکتی اعاده سی ایچون المانیاس
 و اوستربا طرفندن صوفیه ده اجرا قلنان تشبیلر ایله کسب تقویت ایلمکده در .